

GUÐFINNA HARÐARDÓTTIR


MENNTUNARSTIG OG ATVINNUÞÁTTTAKA ÍSLENDINGA Í EVRÓPSKU SAMHENGÍ

Markmið Fræðslumiðstöðvar atvinnulífsins (FA) er að veita starfsmönnum, sem ekki hafa lokið prófi frá framhaldsskóla, tækifæri til að afla sér menntunar eða bæta stöðu sína á vinnumarkaði. Hér á landi er sá hópur hlutfallslega stærri en annars staðar á Norðurlöndum sem og að meðaltali í aðildarlöndum Evrópusambandsins. Á vefsíðu Eurostat, hagstofu Evrópusambandsins, er að finna tölur sem eiga uppruna sinn

í samræmdum vinnumarkaðskönnunum evrópskra hagstofa. Þar kemur fram að hlutfall Íslendinga á aldrinum 25–64 ára, sem hafa ekki lokið formlegri framhaldsskólamenntun, var 37% árið 2006 á meðan það var 30% að meðaltali í aðildarlöndum Evrópusambandsins, 18% í Danmörku, 20% í Finnlandi, 12% í Noregi og 16% í Svíþjóð.

Þegar horft er á tölur yfir atvinnuþátttöku þessa sama hóps má sjá að átta af hverjum tíu Íslendingum voru starfandi á viðmiðunartímanum. Meðal annarra Norðurlandþjóða var hlutfall starfandi einstaklinga í þessum hópi nokkru lægra. Hæst var það í Danmörku eða 61% en lægst í Finnlandi eða 46%. Að meðaltali voru 48% einstaklinga á aldrinum 25–64 ára, sem ekki hafa lokið formlegu framhaldsskólaprófi, starfandi í aðildarlöndum Evrópusambandsins árið 2006 (sjá mynd 1)

Mynd 1. Menntunarstig og atvinnuþátttaka einstaklinga á aldrinum 25–64 ára árið 2006



HEIMILDIR

Eurostat (2008a). *Employment rate, by highest level of education attained.* Veflægur gagnagrunnur Eurostat, hagstofu ESB. Sótt 3. október 2008 á <http://epp.eurostat.ec.europa.eu>.

Eurostat (2008b). *Persons with low educational attainment, by age group. Percentage of the population aged 25 to 64 having completed at most lower secondary education.* Veflægur gagnagrunnur Eurostat, hagstofu ESB. Sótt 3. október 2008 á <http://epp.eurostat.ec.europa.eu>.